



Inatsisartuni ilaasortanut
/Maani

IIA2018-imi imm. 21-p siullermeerneqarnerani apeqqutinut allakkatigut akissuteqaat.

14-06-2018
Suliaq normu: 2017-24538
Allakkiaq normu: 30809567

Asasakka Inatsisartuni ilaasortat

IIA2018/21-p siullermeerneqarnerani Inatsisartuni oqallinnermut, taamatullu "Inuiaqatigiit aningaasaqarnerannut kingunerisassanik misissueqqissaarneq, imm. 2" pillugu nalunaarusiamut nassiunneqartumut paasissutissat pillugit apeqqutinut aalajangersimasunut malitsigitillugu, matumuuna paasissutissat erseqqinnerusut nassiuppakka.

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
Fax: (+299) 34 63 56
www.naalakkersuisut.gl

Inatsisartuni oqallinnermi misissueqqissaarnermi paasissutissat peerneqartut pillugit apeqquteqartoqarpoq. Taamatuttaaq misissueqqissaarnerup tamanut ammasumik saqqummiunneqarneranut piffissaq pillugu apeqquteqartoqarpoq. Matuma kinguliani apeqqutit taakku akiniarsarissavakka.

Imm. 2-p tamanut ammasumik saqqummiunneqarnerani piffissaq

Misissueqqissaarnermi pineqartumi allagaatinik takunnissinnaatitaanissamut qinnuteqaatit arlallit suliarineqarnerinut atatillugu Naalakkersuisoqarfimma pisortat ingerlatsinerat pillugu paasitinneqarsinnaatitaaneq pillugu Inatsisartut inatsisaanni nr. 9-mi, 13. juni 1994-imeersumi (Pisortat ingerlatsinerannut inatsit) allagaatinik takunnissinnaatitaanissamut tassanilu ilaatitsiviunngitsunut aalajangersakkat naliliiffigai.

Allagaatinik takunnissinnaatitaanissamut qinnuteqaat akuerineqassanersoq inatsisilerituunit naliliiffigineqarpoq. Pisortat ingerlatsinerannut inatsimmi paasissutissanik, najoqqutassat oqaatsit arlallit atorlugit saqqummersimannginnerat peqqutigiinnarlugu allagaatinik takunnissinnaatitaanissamut aalajangersakkamut ilaatitsinnginnissaq tunngavissaqartinneqanngilaq.

Imm. 2-mi allagaatinik takunnissinnaatitaanerup nalunaarutigineqarneranut piffissaliussap kinguartinneqannginnissaanut aalajangiineq, Folketingip Ombudsmandiata oqaaseqaataani 4. april 2018-imeersumi taparserneqarpoq. Tassani innuttaasoq allagaatinik takunnissinnaatitaanissamut pisinnaatitaaffeqarpat, tamatuma pilertornerpaamik pinissaa aalajangersarneqarpoq. Tassalu oqartussaasut allagaatit politikikkut suliarineqarnissaasa tungaannut noqissinnaanngilaat. Ministerip nammineerluni nalunaarusiamik naalakkersuisut suliassaqarfimmut tunngasunik nalunaaruteqarnera pillugu tusagassiorfinnut nalunaarummut ilanngullugu nassiunnissaa kissaatigimmagu, Danmarkimi Ilinniartitaanermut Ilisimatusarnermullu Ministereqarfiup nalunaarusiamik tusagassiorlumut nassiussinissaminut ullut qulit missaanni utaqqititsisimanera Folketingip Ombudsmandiata isornartoqartilluinnarpaa.

Imm. 2-mi tamanit pissarsiarineqarsinnaasumi paasissutissat peerneqartut pillugit najoqqutassanit taakkuluunniit ilaannit qanoq annertutigisut Kalaallit Airports A/S-ip ingerlatsineranut niuerneranullu tunngasuni aningaasaqarnermut annertuumik isumaqarnerisut immikkut naliliiffineqarpoq. Nalunaarusiap ilaani pineqartut taakku pisortat ingerlatsinerat pillugu paasitineqarsinnaatitaaneq pillugu Inatsisartut inatsisaanni nr. 9-mi, 13. juni 1994-imeersumi § 12, imm. 1 nr. 2-mi maleruagassat naapertorlugit allagaatinik takunnissinnaatitaanermut ilaatinneqanngillat.

Pissutsinut aalajangersimasunut naliliinermut atatillugu aalajangiunneqarpoq, misissueqqissaarnermi Kalaallit Airports A/S-ip ingerlatsineranut niuerneranullu tunngasut paasissutissat ilaat suliffeqarfiup aningaasaqarneranut annertuumik pingaaruteqartut, taamaattumillu Naalakkersuisoqarfiga aalajangerpoq, paasissutissat taakku Pisortat ingerlatsinerannut inatsimmi § 12, imm. 1 nr. 2-mi allagaatinik takunnissinnaatitaanermut peerniarlugit.

Tamatumunnga atatillugu ilisimatitsissutigisinnaavara, Naalakkersuisoqarfimma misissueqqissaarnerup immikkoortuanut siullermut atatillugu taamatut allagaatinik takunnissinnaatitaanissamut qinnuteqaatinik suliaqarnerani, Eqqartuussissuserisoqarfik Malling & Hansen Damm suliami pineqartumi allagaatinik takunnissinnaatitaanissamut ilaatitsiviunngitsunut aalajangersakkanik naliliitereersimammagu. Misissueqqissaarnerup immikkoortuani tullermi allagaatinik takunnissinnaatitaanissamut atatillugu paasissutissanik piarneqartunit amerlasuut inatsisilerituut tassunga inerniliinerannik tunngaveqarput.

Tamatumunnga atatillugu naliliisoqarpoq, Kalaallit Airports A/S-ip sinneqartoorutissaatut naatsorsuutigineqartut tamanit ilisimaneqalerpata, tamanna ingerlatseqatigiiffiup taarsigassarsititsisinnaasunut isumaqatigiinninniarnanertut ajoqutaasinnaasoq. Taamaattumik taarsigassarsititsisinnaasut taarsigassarsinissaq pillugu isumaqatigiinninniarnissarpiaat sioqqullugit missiliukkanik ilisimasaqalernissaat Kalaallit Airports A/S-ip isumaqatigiinninniarnani inissisimaneranik ajornerulersitsisussatut ajornerulersitsisinnaasutulluunniit tunngavigineqarpoq.

Kiisalu naliliisoqarpoq, qinigassatut allatut najoqqutassiami aningaasartuutissat ilaasa tamanit ilisimaneqalernissaat Kalaallit Airports A/S-ip sanaartukkat suliariumannittussarsiuunnerini isumaqatigiinninniarnani inissisimaneranut ajoqusiinnaasoq. Aningaasat allanneqartut tunngavigalugit Kalaallit Airports A/S-ip sanaartugassanut aningaasaliissutissatut missiliorneqartut nassaarineqarsinnaasussaananertut tamatumunnga peqqutavoq. Taamaalilluni entreprenørit neqerooruteqartut suliaasanut neqerooruteqannginnerminni Kalaallit Airports A/S-ip nammineerluni missiliugaanik ilisimasaqalersinnaananertut unammilleqatigiinnermik annikillititsinissaa annikillititsisinnaaneralunniit, tamatumalu kingunerisaanik sanaartornermut akit qaffasinnerulernissaat tamatumunnga tunngavigineqarpoq.

Paasissutissat peerneqartut ukununnga tunngasuupput:

Qupp. 31: Kalaallit Airports A/S-imi aningaasaatinut akileeqaataassutit sinneqartoorutillu, kiisalu akileraarutinit pissarsiat.

Qupp. 32: Kalaallit Airports A/S-imi sinneqartoorutit, kiisalu akileraarutinit pissarsiat.

Qupp. 33: Kalaallit Airports A/S-imi sinneqartoorutit, kiisalu akileraarutinit pissarsiat.

Qupp. 34: Kalaallit Airports A/S-imi aningaasaatinut akileeqaataassutit sinneqartoorutillu, kiisalu akileraarutinit pissarsiat.

Qupp. 39: Kalaallit Airports A/S-imi sinneqartoorutit, kiisalu akileraarutinit pissarsiat.

Qupp. 46: Kalaallit Airports A/S-imi sinneqartoorutit

Qupp. 51: Kalaallit Airports A/S-imi aningaasaatinut akileeqaataassutit sinneqartoorutillu, kiisalu akileraarutinit pissarsiat.

Qupp. 52: Kalaallit Airports A/S-imi aningaasaatinut akileeqaataassutit sinneqartoorutillu, kiisalu akileraarutinit pissarsiat.

Aammattaaq erseqqissaatigissavara, taakku aamma imm. 2-p tamanut ammasumik saqqummiunneqarnerani nassuaatigineqarmata.

Siullermeerinermi oqaaseqartut saqqummiussaanni erserpoq, misissueqqissaarneq Inatsisartuni ilaasortanut agguanneqarmat nalunaarusiami titarneqarsimasut 24-iusut. Tamatumunnga atatillugu erseqqissaatigissavara, taakkunani taamaallaat paasissutissat pingasut, matuma siuliani allattukkat naapertorlugit nalunaarusiami assigiinngitsuni issuarneqarlutik saqqummiunneqartut pineqarmata.

Tassalu matumani pissutsit, Kalaallit Airports A/S-imi sinneqartoorutissatut aningasartuutissatullu naatsorsuutigineqartunut tunngasut, taamaalillutillu suliani ataasiakkaani sanaartugassanut missingersuutinit piiarneqarsinnaasut pineqarput. Paasissutissat taakku ilaatinneqannginneri immikkut isigalugit misissueqqissaarnermi inerniliinerit atuarneqarnerinut, imaluunniit nalunaarusiamut ataatsimoortumik paasinninnissamut sunniuteqartussaangillat.

Tamatuma saniatigut ilaasortanut ilisimatitsissutitut oqaatigisinnaavara, paasissutissat pineqartut tallimangornermi 25. maj 2018-imi Nuummi Hotel Hans Egedemi isumasioqatigiinnermi Deloitte-p saqqummiussaani *"Kalaallit Airports A/S-imi aningaasat ingerlaaneri ilanngaaseriikkat"* pillugit immikkoortumut ataatsimut eqikkarneqarmata.

Naggasiutigalugu ilisimatitsissutigisinnaavara, misissueqqissaarneq paaaffigineqanngitsoq tamarmiusoq soorunami 2018-imi immikkut ittumik ataatsimiinnermi imm. 21-p suliarineqarneranut atatillugu Inatsisartut Aningaasaqarnermut Akileraarnermullu Ataatsimiititaliaannut tunniunneqarumaarmat. Aamma misissueqqissaarneq peqquataasutut matuma siuliani taaneqartut peqquutigalugit soorunami isertuussatut suliarineqassaaq.

Inussiarnersumik inuulluaqqusillunga

Simon Simonsen